

Wiehnachte mit Leo und Ole

Szene 1

Schule:

Handpuppen: Ole und Leo

-Krah, Krah, Ole, etz simmer scho uuu lang do ide

Schuel, findsch nid au?

-Es goht, eigentli sinds erscht e paar Wuche, da isch nonig grad so lang, oder?

-Doch, ich finds scho uuu lang!

-gfallts dir nümme die Schuel? Wettsch lieber wieder zruigg in Wald? ----- Leo, bisch no do? Worum seisch nüt?

-Ich ha Heiweh, Krah, Krah!!!

Sprechgesang: Heiweh-Rapp

-Ja, im Wald isch es wüerkli schön, bsunders wenns Wiehnachte wird.

-Etz sinds sicher scho am Vorbereite fürs Wiehnachtsfäscht.

-De Alo und de Papa sind wohrschinli scho in Wald gos Bäumli hole.

-Meinsch sie händ es schöns gfunde?

Szene2

Wald

Zwei Kinder als Alo und Papa verkleidet unterwegs
mit Schlitten

Lied: 21 De Tannebäumli-Marsch

Spielen

Papa: Alo lueg, da vorne häts en schöne Tannebaum!

Alo: Ja, da näme mer!

Papa: Hol mir bitte d Axt uf em Schlitte.

Alo: Lueg do, Papa, törf ich denn au mol ?

Papa. Ja, sicher, en richtige Tobi wie du eine
bisch, cha sonen Baum umtue!

Papa und Alo laden den Baum auf den Schlitten und
fahren weiter, stellen den Baum zu Hause hin und
schütteln sich die Hände zum Zeichen, dass sie mit
ihrer Arbeit zufrieden sind.

Währenddessen singen die Kinder

Lied: 22 Juhui, mir händ es Tannebäumli

Szene3

Schule: Handpuppen Leo und Ole

-I üsem Wald häts wüerkli schöni Tannebäum. Weni ganz zoberscht uf de Tannespitz gfloge bi, hani de ganzi Nordwald chöne aaluege.

De chli Fluss, di gheim Höhli, de grosse Hügel, es Hus vode Tobis....

-Mit de feine Würscht uf em Grill, mmmh!

-Meinsch es hät scho gschneit im Nordwald?

Leo streckt die Nase in die Luft und riecht

-Dihei hani de Schnee amel scho gschmöckt, bevor dass es cho isch go schneie.

-Wettsch de Nordwaldschnee nid au mol wieder gern schmöcke?

Szene4

Wald: 3-4 Kinder als Ole verkleidet tanzen
(Bewegungen) zum

Lied: 3 Es schmöckt nach Schnee

Szene 5

Schule: Handpuppen Leo und Ole

-Du mit dinere guete Nase chasch dich sicher au no an feine Duft vo de Oma ihrne Wiehnachtsguetzli erinner, oder?

-Wiehnachtsguetzli vo de Oma, mmmmh, so fein!!!!
D Oma bached di beschte Guetzli vo de ganze Wält!

Szene 6

Wald: ein Kind als Oma in der Küche, Guetzli backend
Zwei Kinder als Ole und Leo

Lied: Zimetstern, hani gern, Andrew Bond

Spielen:

Leo und Ole wollen der Oma Guetzli stibitzen.

-Chum Leo, mir chlued üs es Guetzli vo de Oma!

-Ja, aber wie söll das goh? D Oma gseht üs doch!

-Ich han en Plan! Ich gang hinders Huus und belle ganz fescht, denn meint dOma, es seg öppis passiert.

I dere Ziiit flüügsch du ane und schnappsch dir es Guetzli. Alles klar?

-Ja, alles klar, ich bi parat!

-Also los!

Ole lockt sie vom Herd weg und Leo schnappt sich ein Guetzli, aber Oma merkt es und rennt Leo nach, Leo flüchtet und lässt dabei das Guetzli fallen, da kommt Ole und schnappt es sich und rennt schnell davon.
(Flucht und Nachrennen mit Instrument-Geräuschen verstärkt)

Szene 7

Schule: Handpuppen Ole und Leo

- Da isch mega luschtig gsi, wo üs dOma nahgrennt isch.
- De Opa hät vo all däm nüt mitübercho, er isch wieder emol i sinere Werkstatt gsesse und hät gschnitzt.
- Jedes Johr hät er für üs en Überraschig gmacht.
- Ja, und mir händ immer wele spioniere.
- Aber da isch eigentli verbote gsi!
- Hei jo, drum isch es doch so spannend worde!

Szene8

Wald: Kind als Opa verkleidet am Werk Tisch
Zwei Kinder als Ole und Leo

Lied: 13 Was isch das ächt

Spielen ohne Text

Leo und Ole schleichen sich an, Opa hat sie bemerkt, tut aber so, als ob er nichts gemerkt hätte. Als Ole seinen Kopf nach oben streckt, lässt er ein Werkzeug fallen, dass es laut knallt. Die beiden erschrecken so sehr, dass sie aufschrecken und davon rennen und fliegen.

Opa lacht laut und macht mit seiner Arbeit weiter.
(Alles unterlegt mit Geräuschen)

Szene 9

Schule: Handpuppen Ole und Leo

-Ich glaube, de Opa ghört viel besser als mir meined.
Er tuet eifach so, wie wen ers nid wär ghöre.

-Ja, susch moner de Oma immer helfe bim Pilzfädle
und so.

-Da mach ich amel au.

Was? Pilzfädle? Du?

-Nei, ich meine tenk, dOhre zuemache, weni öppis nid
wott mache.

-Ach so! Also ich flüüg amel eifach devo, wenns mir
stinkt. Dänn hani mini Rueh!

Lied 23 Da en Stern....

Szene 10

Wald, Kind als Ela verkleidet, schmückt den Baum

Kind als Leo verkleidet Leo sitzt hinten und putzt sich
das Gefieder

Spielen:

Summt das Lied 23, hängt dabei Sterne auf, ruft
nach Leo

- Leo, chunnsch du mal, bitte, chasch du mir helfe
bim Sterne ufhänke? Es sind so viel und ich wott
no chli voruse go spiele.
- (Leo fliegt davon)
- Leo? Leo! Chum sofort zrugg!

Ela schimpft:

- Immer wener öppis söt helfe flüügt er devo!

Denn moni halt selber fertig mache....

Währenddessen singen alle

Lied 23 Da en Stern und det en Stern....

Szene 11

Schule: Handpuppen Leo und Ole

-Ole, wie lang gohts no, bis es Wiehnachte sich?

-Nume no ____ Täg.

-So wenig!

-Wieso wenig?

-Ich wett ade Wiehnachte dihei sii.

-Ich au!

-Söllemer goh?

-Ja, da machemer! Ide Schuel isch dänn sowieso
Ferieziit!

Und nochher chömed mir wieder zruigg.

-Juhui, mir flüüged hei!

-Also du flügsch, ich renne.

- Nordwald, mir chömed!!!

-Ela und Alo, mir chömed!

Handpuppen fliegen und rennen durch die Zuschauer
nach hinten.

Lied: Mir laufed, mir laufed... Kinder tanzen dazu im
Kreis vorne

Szene12

Wald. Zwei Kinder als Ole und Leo verkleidet kommen von der Seite herangelaufen. Bleiben stehen.

Lied: De Leo und de Ole (nur Refrain)

Spielen:

-Ole. Weisch du wos dure goht?

-Ähm, ich glaub scho.

-Mömmer links oder rechts?

-Ich glaub gradus, immer de Nase nah.

-Ich han Angscht.

-Mosch kei Angscht ha, mir bliibed eifach zäme, dänn cha nüt passiere.

Lied: De Leo und de Ole (spazieren weiter und verschwinden hinter Waldtafeln)

Gruppe A

kommt in Mitte und macht geheimnisvolle Tier-Geräusche, immer zwei Kinder sind ein Waldtier (Kauz, Vogel, Igel, Specht, Wildsau, Fuchs)

Szene 13

Wald:

Zwei Kinder als Leo und Ole verkleidet kommen wieder von der Seite herangelaufen

-Ich ghöre öppis, es isch glaubi Musik!

-Und ich schmöcke öppis, es sind glaubi Omaguetzli!

Chum mir renned wie de Blitz!

- Du meinsch mir flüüged wie de Blitz!

(Sie rennen und fliegen hinter die Waldtafeln)

(Alle Tobis gehen sich anziehen)

Lied: Andrew Bond: Bald, bald isch Wiehnacht

Mama deckt den Tisch und ruft alle zu sich:

- De Z` Nacht isch fertig, chömed alli an Tisch!

Alle kommen und setzen sich. Ela, Alo, Papa, Oma und Opa.

Ela:

- Singed mir no es Lied vor em Ässe?

Papa:

- Ja, da chömmer gern mache.

Hät öpper en Wunsch?

Oma und Opa zusammen:

-Bald isch Wiehnacht!!!

Papa:

-Also uf los gohts los 1, 2, 3

Lied Andrew Bond: Bald bald isch Wiehnacht

Mama:

-Da isch eifach schön, wenn mir zäme
Wiehnachtslieder singed.

Nu schad, dass de Leo und de Ole nid bi üs sind.

Sie fehled mir. Chum mir singeds nomol und tenked
debie fescht a die beide.

Loe und Ole

kommen näher.

Als das Lied fertig ist sagt Mama:

-So gspässig! Me chönnt meine, dass es tatsächlich bi
üs aaklopfet hät.

Händ ihr nid au öppis ghört?

-Nei!

-Alo, gang doch mol go luege.

Alo findet die beiden

Alle begrüssen sich herzlich, Ole und Leo setzen sich
dazu.

Sternenkette fängt an zu leuchten

Lied: 24 Wiehnachte

Ende

